

PERAREM
AWIG - AWIG BANJAR ADAT
BANJAR BADUNG



D E S A : MELINGGHI KAJA
KECAMATAN : PAYANGAN
KABUPATEN : DAERAH TK. II GIANYAR
PROPINSI : DAERAH TK. I BALI

1996

P I D A B D A B

MAKA BANTANG AWIG-AWIG BANJAR ADAT BANJAR BADUNG

MURDHA CITTA

Daging Awig-Awig Banjar Adat Banjar Badung .

Sarga. I

- Aran lan Wawidangan Banjar 2

Sarga. II

- Patitis lan Pamikukuh 2

Sarga. III

- Sukerta Tata Pamkraman

- Palet.1. Indik Krama 4

- Palet.2. Indik Prajuru 7

- Palet.3. Indik Paruman, Pasamuan, Sangkepan,
miwah Perareman 11

- Palet.4. Indik Kulkul 12

- Palet.5. Indik Druwen Banjar 13

- Palet.6. Sukerta Pamitegep 17

- Kaping.1. Karang, Tegal lan Carik 17

- Kaping.2. Indik Kekayon lan Tetanduran 18

- Kaping.3. Indik Wewalungan 19

- Kaping.4. Indik Wewangunan 20

- Kaping.5. Indik Bhaya 20

- Kaping.6. Indik Panyanggran Banjar 21

Sarga. IV

- Sukerta Tata Agama

- Palet.1. Indik Dewa Yadnya 22

- Palet.2. Indik Resi Yadnya 27

- Palet.3. Indik Pitra Yadnya 28

- Palet.4. Indik Manusa Yadnya 31

- Palet.5. Indik Bhuta Yadnya 32

Sarga. V

- Sukerta Tata Pawongan

Falet.1.	Indik Pawiwahan	33
Falet.2.	Indik Nyapian lan Balu	37
Falet.3.	Indik Sentana	39
Falet.4.	Indik Warisan	41

Sarga. VI

- Wicara lan Pamidanda

Falet.1.	Indik Wicara	43
Falet.2.	Indik Pamidanda	44

Sarga. VII

- Netepang, Nguwah-Nguwahing Awig-Awig

46

Sarga. VIII

- Pamuput

47

AWIG-AWIG BANJAR ADAT BANJAR BADUNG

Om Awighnamastu Nama Siddhyam,

Om Suastiastu,

Krama Banjar Adat Banjar Badung, wawidangan Desa Melinggih
Kecamatan Payangan, Daerah Tingkat II Kabupaten Gianyar, duk
parumannya ring Rahina Buda, Wara Wage, titi tang (panglong
ping) Kalih, Sasih Sada, Icaka 1918, Tanggal 3 Bulan Juli
Tahun 1996, gilik seguluk saha susrusa ngamanggehang Awig-
Awig kadi ring sor :

"MURDHA CITTA"

Ida Sang Hyang Parama Kawi gumanti wantah nitahang ka-
wentenan sakaluring tumuwuh, kahanan bayu, sabda, idep ring
sekala niskala, sajeroning Bhuana Agung miwah Bhuana Alit,
kalih ngardi Panca Maha Bhuta manggeh ring panegara Indonesia
sane madasar antuk Pancasila saha Undang-Undang Dasar 1945.
Mantuke ring Bhuana Agung, Banjare wantah paragayan "Bhawa
Maurip" jangkep saha Tri Hita Karananya luwire :

- a. PARAHYANGAN, sahanan panyiwian Banjar, genah ngar-
cana Hyang, maka Atman Banjare.
- b. PALEMAHAN , tanah kakuwuban saha dagingnya sinang-
geh Angga Sarira Banjare.
- c. PAWONGAN , warga Banjare sami maparagayan Tri Kaya
mawinan Banjare, siddha molihang Pra-
werti.

Sejaba dresta inucap, pamekas Pancasila lan UUD-1945, miwah
sahanan Undang-Undang, Peraturan Negara Republik Indonesia,
saha Awig-Awig Desa Adat Melinggih manggeh kainggilang tan
wenang kalempasin antuk Awig-Awig Banjar Adat Banjar Badung
puniki.

SARGA I
ARAN LAN WAWIDANGAN / BANJAR
PAWOS 1

- 1.1. Banjar Adat puniki mawasta Banjar Adat Banjar Badung.
- 1.2. Wawidangan wawengkon Banjar Adat Banjar Badung mawates nyatur sekadi ring sor :
 - 1.2.1. Sisih Uttara : Banjar Adat Melinggih,
 - 1.2.2. Sisih Purwa : Margi Agung,
 - 1.2.3. Sisih Daksina : Banjar Adat Pengaji,
 - 1.2.4. Sisih Pascima : Banjar Adat Payangandesa, Carik Subak Tegalampit.

PAWOS 2

- Kakuwub wawidangan Banjare manut dresta luwire :
- 2.1. Papupulan karang paumahan, sinanggeh Palemahan Banjar Pakraman.
 - 2.2. Setra, sawah miwah tegal ring kakuwub wawidangan Banjar sajabaning Palemahan Banjar Pakraman, manggeh telajakan Banjar Pakraman.
 - 2.3. Setra, sawah miwah tegal ring kakuwub wawidangan Desa sajabaning Palemahan Banjar Pakraman lan telajakan Banjar Pakraman manggeh telajakan Desa.

PAWOS 3

- 3.1. Awig-Awig, Pararem-Pararem, miwah sahanan pasuaran Banjare manggeh kajejerang ring kakuwub wawidangan banjare sami.
- 3.2. Awig-Awig, Pararem-Pararem miwah sahanan pasuaran desane manggeh kajejerang ring kakuwub wawidangan desane sami.
- 3.3. Awig-Awig, Pararem-Pararem miwah pasuaran subak-subak ring telajakan desane, tan maren kainggilang.

SARGA II
PATITIS LAN PAMIKUKUH
PAWOS 4

- Banjar Adat Banjar Badung puniki ngamanggehang pami-kukuh minakadi :
- 4.1. Pancasila kadi mungguh ring Undang-Undang Dasar 1945 pamekas pasal 18.

- 4.2. Tri Hita Karena manut tatwaning Bhuana Agung.
- 4.3. Perda Tk I Bali No. 06 Th 1986.

PAWOS 5

Luwir patitis Banjar Adat Banjar Badung :

- 5.1. Wit tatwa pinake dasar ngerajegan agama Hindu, madasar Panca Crada gumanti astiti bhakti ring Ida Sang Hyang Widhi Wasa.
- 5.2. Ngamanggehang Tatwa, Susila, Tata Cara Upakara/ Upacara nganutin Panca Dresta lan Tri Premana.
- 5.3. Nyejerang tur ngamanggehang tatujon wiadin ngalaksana-ang Panca Yadnya.
- 5.4. Ngupaayu papatutan saluring amongan panyungsungan wiadin sekaluiring padruwen Banjar Adat.
- 5.5. Ngaraketang pasikian pidabdab, nganutin salunglung sabayantaka sejeroning karya pasuka dukaan ring wawidangan Banjar Adat, ping kalih paraketan ring wawidangan an Desa Adat siosan.

WAWIDANGAN LAN TATERAPAN

PAWOS 6

- 6.1. Wates wawidangan palenahan Banjar kamanggehang antuk paruman Banjar.
- 6.2. Anut ring munjuk lungsur cacah jiwa pawongannya, pah-pahan Banjar rawuhing wates wawidangannya wenang robah manut paruman Desa.
- 6.3. Banjar wenang kepah dados tempekan manut pamutus paruman Banjar.
- 6.4. Awig-Awig kalih pararem banjar tan wenang lepas ring Awig-Awig Desane, teher kalinggatanganin antuk Kelihan Banjar lan Bendese Adat maka panikukuh dumugi dados lunaksana.
- 6.4. Banjar Adat patut maduwe piranti-piranti, panekasnya Bale Banjar miwah Bale Kulkul.

PAWOS 7

- 7.1. Bahanan tempekan tan wenang ngardi awig-awig miwah pararem-pararem maka panikukuhnyane.
- 7.2. Tempekan kemon nawek pahan, singanggehang tangan sukuning Banjar.

SARGA III
SUKERTA TATA PAKRAMAN
PALET I
INDIK KRAMA
PAWOS 8

- 8.1. Sane kebawos warga Banjar Adat Banjar Badung inggih punika krama banjar sane jumenek wiadin tan jumenek ring wawidangan banjar Badung, madruwe paumahan ring wawidangan Banjar Adat Banjar Badung, maagama Hindu, saha satinut ring awig-awig lan daging pararem banjar, miwah satinut ring sapamargin Krama Adat Banjar Badung.
- 8.2. Sane kebawos Krama Banjar Adat Banjar Badung inggih punika warga banjar sane sampun marabian, ngamong wiadin tan ngamong karang, maagama Hindu tur satinut ring awig-awig lan pararem - parareman.
- 8.3. - Saluwirning pakarangan Banjar Adat Banjar Badung, I
x r - Krama Banjar tan kawenangan ngadol tanah pakarangan ring jadma tan maagama hindu.
- Tiyosan kadi ring ajeng I Krama Banjar Adat wantah ka dadosan ngontrakan tanah pakarangan inucap ring jadma matiyosan agama hindu.
 - Jadma sane ngontrak tanah pakarangan inucap mangda satinut ring daging awig-awig Banjar Adat Banjar Badung.
 - Sahananing sang sane madruwe tanah yadiastun wit saking ngontrak utawi numbas sane maagama hindu tur jumenek mapumahan ring wawidangan Banjar Adat Banjar Badung patut tedun makrama Banjar saha naur arta penanjung batu ageng alit manut pararem.
 - Yening tan jumenek keni tigasana/pangoot nyabran 6 sasih apisan ageng alit manut pararem.

PAWOS 9

Krama Banjar Adat Banjar Badung kapalih-palih sekadi ring sor :

- 9.1. Krama pangarep, sane ngamong karang pecatu.
- 9.2. Krama kamplengan/roban, krama sane sampun marabian nang ing tan ngamong karang pecatu.
- 9.3. Ayah balu, sane palas marabian utawi seda lanang wiadin istri.

- 9.4. Krama tapukan, krama sane pecak ngarep katinggal olih yayah/renanya sadereng mayusa 15 (limolas) warsa utawi dereng mawiwaha.
- 9.5. Ayah pangoot, sane kadadosang ngoot luwiripun :
 - 9.5.1. Pegawai Negeri sasudian Guru Wisesa, mawit saking Banjar Badung sane tan jumenek ring pakuwub Banjar Badung.
 - 9.5.2. Karyawan mawit saking Banjar Badung sane jumenek ring tios Kecamatan.

PAWOS 10

Sane dados Krama Banjar Adat Banjar Badung sekadi ring sor puniki :

- 10.1. Kawit jumenek ring Banjar Adat Banjar Badung saking leluhurnya.
- 10.2. Kawit rawuh saking banjar wiadin desa siosan, jumenek ring Banjar Adat Banjar Badung malarapan saking rahayu.
- 10.3. Kawit antuk pawiwahan, kapretisentana miwah paperasan manut dresta saha upacara tur kalugra olih pamutus paruman Krama Adat Banjar Badung.

PAWOS 11

- 11.1. Panemaya tedun makrama Banjar Adat Banjar Badung inggih punika :
 - 11.1.1. Malarapan antuk pawiwahan.
 - 11.1.2. Risedekala nyeledihinin utawi nyalukin ayah reramannya.
 - 11.1.3. Sang sampun marabian, yening jumenek ring Banjar Adat Banjar Badung saking banjar wiadin desa sewosan mawenang asasih wenang katedunang makrama Banjar Adat, maduluran pamaritetes saking Prajuru, tur sang jumenek punika pastika wenten sane nguwuban.
- 11.2. Sang pacang tedun makrama kepatutang :
 - 11.2.1. Sanggup nyiwi kayangan Banjar, minakadi Catur Bhuwana. *(Catur Pura Bale M)*
 - 11.2.2. Satinut ring awig-awig, pararem, pasuaran lan pamargin pakraman.
 - 11.2.3. Nyerodan ayahan kabawos purna, yening sampun kapariengkening antuk Prajuru manut pararem.

PAWOS 12

- 12.1. Sinalih tunggil kulawarga wusan makrama Banjar Adat Banjar Badung prade kulawarga inucap :
 - 12.1.1. Magingseir linggih wiadin matilar saking wawi-*0-1* dangan Banjar Adat Banjar Badung.
 - 12.1.2. Kanorayang antuk Krama Banjar.
- 12.2. Tatakrama kalih sulur ngenorayang inggih punika :
 - 12.2.1. Pastika wenten gung dosan ipun.
 - 12.2.2. Tan satinut ring pituduh Prajuru indik nyupat ngesehin solah prawertinnya tur setata nguwug kecaping awig-awig.

12.2.3. Tan sanggup nawur pamidanda sane katiwakang
olih Kelihan Banjar miwah Bendeza Adat manut
pararem.

PAWOS 13

- 13.1. Sahananing Krama Banjar Adat Banjar Badung keni ayah-
ayahan miwah papeson luire :
- 13.1.1. Krama pangarep keni ayah-ayahan Banjar Adat.
 - 13.1.2. Krama Kamplengan / Roban keni ayah-ayahan Kam
plengan / Roban.
 - 13.1.3. Wawidangan lan wawilangan ayah-ayahan krama
sane sewosan manut pararem.
- 13.2. Sahananing Krama Banjar Adat Banjar Badung Keni pape-
son :
- 13.2.1. Krama pangarep keni papeson mamungkul.
 - 13.2.2. Krama roban miwah sane siosan, keni papeson
manut wigunannya madasar antuk pararem.
- 13.3. Swadarmaning Krama Banjar Adat Banjar Badung manut
ayah-ayahan :
- 13.3.1. Satinut ring awig-awig, dresta, pasuara, lan
pararem.
 - 13.3.2. Ngutsahayang mangda Krama Banjar Adat nyejer
manut patitis.
 - 13.3.3. Ngamargiang sahanan dadauhan Prajuru kalih Pe
merintah / Guru Wisesa.
 - 13.3.4. Prade wenten Krama tan satinut kadi bawos
inucep ring ajeng, keni pamidanda manut ring
daging pararem.

INDIK TAMIU

PAWOS 14

- 14.1. Sane kabawos tamiu inggih punika sang jumenek utawi
marerepan ring wawengkon Banjar Adat Banjar Badung sa-
nistannya awengi sangkaning :
- 14.1.1. Malelungsan.
 - 14.1.2. Sasudian Desa seosan utawi Guru Wisesa.
 - 14.1.3. Duduk-dudukan wiadin manyundulang raga.
 - 14.1.4. Ngarereh pangupa jiwa miwah sane siosan.
- 14.2. Krama sane nampi tamiu patut matur piuning tur polih
panguak saking Prajuru Banjare.

- 14.3. Tamu sane lanang wiadin wadon tur sampun marabian, prade jumenek jantos asasih suwenyane, patut kate-dunang makrama tur keni panaub manut pararem.
- 14.4. Tamu Sasudian Pemerintah sane jumenek sareng rabin-nyane jantos asasih patut ngelaksanaang utawi ngamar-giang pasillakrama.
- 14.5. Swadharmaning tamu :
- 14.5.1. Satinut ring tatiwak Banjar Adat nganinin ngu-padi kasukertan banjar ring sekala-niskala.
- 14.5.2. Tan wenten tamu nungkasin sapamargin awig-awig lan pararem krama.
- 14.6 Prade wenten tamu tan satinut ring ucape ring ajeng, tur lumaksana duskerti, patut keni pamidanda manut pararem.


PALET 2



INDIK PRAJURU

PAWOS 15

- 15.1. Banjar Adat Banjar Badung, kaenyerang olih Kelihan Ban- jar miwah Bendesa Adat, Karombo antuk Prajuru pinaka pangenter banjar lan krama.
- 15.2. Sekaa-sekaa sane wenten ring wawengkon Banjar Adat Banjar Badung kaenter olih Kelihannya sowang- sowang, satinut ring kelihan Banjar lan Bendesa Adat.
- 15.3. Kelihan Banjar lan Bendesa Adat, kaadegan mawiwit an- tuk pemilihan olih paruman Krama Banjar Adat Banjar Badung.
- 15.4. Gaguat pacang dados Prajuru Banjar Adat Banjar Badung patut majalaran kadi ring sor puniki :
- 15.4.1. Kelihan Banjar miwah Bendesa Adat keadegan ma- wiwit saking ayah ngarep gumanti wedan Banjar Adat Banjar Badung.
- 15.4.2. Mawiwit saking sasudian Krama Banjar.
- 15.4.3. Ritatkala sasudian kamargiang, calon Kelihan Ban- jar miwah calon Bendesa Adat, sampun mayusa sakirang-kirangne 20 warsa, nanging tan lang- kung ring 56 warsa.
- 15.4.4. Tatacara madeg Prajuru lan waneng senger ma- deg Prajuru manut uger-uger Guru Wisesa/ peme- rintah :



- (Undang-Undang Nomor 5 tahun 1979, miwah Peraturan Menteri Dalam Negeri Nomor 8 tahun 1981).
- 15.4.5. Kelihan Banjar, Bendesa Adat lan Prajuru sewosan tatas uning ring sajeroning adat miwah agama.
 - 15.4.6. Kelihan Banjar lan Bendesa Adat saha rabinnia tatas ngawacen surat sakirang-kirangnya maduwe ijazah Sekolah Dasar.
 - 15.4.7. Tan cenala stula sarira wiadin suksma sarira.
 - 15.4.8. Kelihan Banjar lan Bendesa Adat saha rabinnia tan nahen lumaksana lempas ring Pancasila lan UUD-1945.
 - 15.4.9. Risampun sasudian jangkep, kawentenang upacara pabersihan, ngemargiang pasaksi ring Pura miwah genahe suci sewosan kasaksiang antuk Guru Wisesa.
- 15.5. Prade sinalih tunggil Prajuru wusan, kawentenang sasudian anyar olih krama, ngalanturang swadharman Prajuru sane wusan, kasaksiang olih Guru Wisesa.

PAWOS 16

- 16.1. Kelihan Banjar lan Bendesa Adat kasangga olih Prajuru-Prajuru :
 - 16.1.1. Petajuh pinaka wakilnya.
 - 16.1.2. Penyarikan pinaka Juru Surat.
 - 16.1.3. Kesinomen pinaka Juru Arah.
- 16.2. Wawidangan panyanggrannyane madudon-dudonan manut wawidangan miwah pakeryannyane.
- 16.3. Wawilangan pangrombo manut abot dangan kawentenan pamarginnyane manut dess, kala, patra lan paetangan Prajuru.
- 16.4. Sajeroning ngenterang kasukertan sekala niskala, yadnya ring Parahyangan minakadi upacara kasucian miwah sahananya kaenter olih Bendesa Adat karombo olih Prajuru tur ketuntun olih Sang Sulinggih, Pemangku lan Juru Putih.

PAWOS 17

- 17.1. Swadharmaning Kelihan Banjar lan Bendesa Adat luwire :

- 17.1.1. Ngenterang paruman-paruman Banjar manut patitis.
- 17.1.2. Ngenterang panglaksanaan sadaging awig-awig lan pamutus parareman.
- 17.1.3. Ngaraksa tur saha ngarencanayang tataning ngangge saraja berana druwen Banjar.
- 17.1.4. Ngenterang tur nuntun krama rawuhing warga banjar ngupadi kasukertan sekala niskala.
- 17.1.5. Nuntun saha nyaksinin tata cara lan upsosara miwah sangaskaraning kahuripan mabuat sane ngilitang sulur pakulawargan.
- 17.1.6. Nuntun saha ngenterang warga banjar lamakane prasida ngupadi kainggilan Sang Hyang Widhi Wasa, ngupadi kasucian palemahan miwah tatacara ngange setra.
- 17.1.7. Mawosin kalih niwakang pamutus marep ring wicara wargannyane.
- 17.1.8. Ngawakilin banjar matemuang bawos ring sapa-sira ugi.
- 17.1.9. Miwah sane sewosan manut dresta.
- 17.2. Ritatkala ngenterang krama inucap, Kelihan Banjar miwah Bendesa Adat patut ngawentenang :
 - 17.2.1. Pawirasan ring Prajuru kalih ring para Sadaka utawi Sulinggih.
 - 17.2.2. Ngetangang mangda wargane sami polih galah ngerereh pangupa jiwa, ngutsahang kaweruhan muah usaha niri-niri sewosan.
- 17.3. Tata carane ngalaksanayang swadharma ring ajeng tan maren anut ring awig-awig, pararem, dresta, pamutus paruman Banjar tur tan tiwal ring kaputusan Pamerintah.
- 17.4. Panglaksanane ring ajeng patut kaparidartayang wiadin kasiarang ring paruman banjar kapungkuripun.
- 17.5. Kelihan Banjar lan Bendesa Adat sayaga natak pamutus paruman banjar nganinin panglaksanaan swadharmaning sowang-sowang.
- 17.6. Ppapalihan swadharmaning Prajuru, pinaka panyanggran Kelihan lan Bendesa Adat ring Banjar Adat Banjar Badung:
 - 17.6.1. Swadharmaning Petajuh luwire :
 - 17.6.1.1. Nureksa sahanan arta brana druwen Banjar Adat.
 - 17.6.1.2. Nawuhin Kasinoman mangda mapangarah ritatkala jagi wenten paruman.

- 17.6.1.3. Ngemarginin wiadin ngambel pakaryan Kelihan wiadin Bendesa Adat rikala wenten kapiambang.
- 17.6.1.4. Nyanggra sahanan pakaryan Kelihan lan Bendesa.
- 17.6.2. Swadharmaning Panyerikan luwire :
 - 17.6.2.1. Nyuratan sahanan erta brana druwen Krama Banjar.
 - 17.6.2.2. Nyuratan dadosan wiadin sepan I krama.
 - 17.6.2.3. Nyanggra sahanan pakaryan Kelihan lan Bendesa.
- 17.6.3. Swadharmaning Kasinoman luwire :
 - 17.6.3.1. Mapangarah wiadin madadauhan indik sakancen pituduh petajuh.
 - 17.6.3.2. Nyarca wiadin nyacak krama ritatkala kawentenang paruman ring Banjar.
 - 17.6.3.3. Ngempon pakaryan sane wenten ring prantenan tatkala kawentenang piodalalan ring Pura Panyiwian/Catur Bhuwana.
 - 17.6.3.4. Nyanggra sahanan pakaryan Kelihan Banjar lan Bendesa Adat.

PAWOS 18

- 18.1. Pituas utawi ulih-ulihan Kelihan Banjar, Bendesa Adat lan Prajuru :
 - 18.1.1. Upon-upon tanah druwen banjar manut pararem.
 - 18.1.2. Laluputan sakaluiring pakenan-kenan raramon.
 - 18.1.3. Sahanan duman ring banjar.
 - 18.1.4. Miwah olih-olihan sewosan manut pararem banjar.

PAWOS 19

- 19.1. Swadharman Prajuru-Prajuru sewosan wantah nyanggra Kelihan Banjar lan Bendesa Adat manut dudonan.
- 19.2. Ulih-ulihan Prajuru-Prajuru inucap manut kadi daging pararem, manut dudonan.

PAWOS 20

- 20.1. Prajuru Banjar Adat Banjar Badung kagentosin riantukan:
 - 20.1.1. Prajuru inucap seda.
 - 20.1.2. Sampun mayusa 64 warsa, (Instruksi Mentri Dalam Negeri No.10 Tahun 1990, tanggal 10 Juni 1990).
 - 20.1.3. Sangkaning pinunas ngaraga tur sampun kalugra olih pamutus paruman banjar.

- 20.1.4. Sang Prajuru inucap tan prasida ngamargiang ga ginaning Prajuru, mawit sangkaning sungkan ta- hunan, utawi pialang abot sane sewosan. Ngentosin utawi ngararianang Prajuru patut ka- raremin olih krama Banjar tur kawentenang pa- sungkeman.
- 20.1.5. Kararianang olih krama, sangkaning mabukti iwang pamargi utawi tan manut ring awig- awig dresta, pararem lan piwal ring Pancasila/ UUD- 1945.

PALET 3

INDIK PARUMAN, PASAMUAN, SANGKEPAN MIWAH PARAREMAN
PAWOS 21

- 21.1. Indik patedunsn krama, ring Banjar Adat Banjar Badung kabinyang dados petang pawos inggih punika :
- 21.1.1. Paruman.
21.1.2. Pasamuan.
21.1.3. Pasangkepan.
21.1.4. Parareman.
Sane kawastanin :
- Paruman inggih punika pasamuan sane katedunin antuk krama lan warga sami, ritatkala jagi ka- wentenang indik wicara sane dahat mabuat. In- dik Paruman puniki kawentenannya dados kalih pawos :
 - 21.1.1.1. Paruman Lumrah kawentenang nyabran a warsa, miwah
 - 21.1.1.2. Paruman Padgatakala kawentenang rian tukan wenten kawicarayang parindikan sane mabuat pisan.
 - Pasamuan inggih punika paruman malit sane ka- tedunin olih soang-soang krama minakadi Krama Banjar, Krama Roban, Seka Gong, Seka Truna - Truni miwah sane siosan, riantukan wenten wi- cara sane kabawosang madgatakala.
 - Pasangkepan inggih punika pasamuan sane kate- dunin antuk krama sami ngawicarayang indik padruwen krama, kaping ajeng indik jinah. Pa- sangkepan kawentenang ngasasih ring rahina Tumpek.

- Sane kawestarin Parareman inggih punika pasamuhan sane katedunin antuk wargane sami kaping sejeng sane sampun nanggap krama, ngawicarayang indik awig-awig sane pacang katetepang wiadin kamargiang.

PAWOS 22

- 22.1. Sahanan patedunan kocap ring ajeng kadulurin antuk wawarahan saha suaren kulkul manut dresta.
- 22.2. Sang pacang tedun mangda trepti ngangge busana Adat manut dresta.
- 22.3. Sinalih tunggil krama utawi warge tan manut ring kecape ring ajeng, keni pamidanda manut pararem.

PALET 4

INDIK KULKUL

PAWOS 23

- 23.1. Kulkul manut kawentenannya ring Banjar Adat Banjar Bandung sekadi ring sor puniki :
 - 23.1.1. Kulkul Banjar Adat.
 - 23.1.2. Kulkul Roban.
 - 23.1.3. Kulkul Yadnya/Pajenengan/Kulkul Gede.
 - 23.1.4. Kulkul Sekeha Gong.
 - 23.1.5. Kulkul Tempekan.
 - 23.1.6. Kulkul Truna-Truni/Deha Truna.
 - 23.1.7. Kulkul Hansip.
 - 23.1.8. Kulkul Subak.
- 23.2. Kulkul manut kawigunannya miwah genahnya :
 - 23.2.1. Kulkul Banjar Adat genahnyane ring wawidangan Bale Banjar utawi ring Bale Kulkul, katepak ritatkala jagi kawentenang Paruman Banjar, Sangkepan Banjar, miwah patedunan sewosan.
 - 23.2.2. Kulkul Roban genahipun ring Bale Kulkul wawidangan Bale Banjar, katepak prade wenten patedunan Krama Roban.
 - 23.2.3. Kulkul Yadnya wiedin Kulkul Pajenengan, genahnya ring wawidangan Catur Bhuana, katepak ritatkala ngemargiang wali, miwah sane sewos - sewosan.
 - 23.2.4. Kulkul Sekeha Gong genahnya ring Bale Kulkul, wigunannya katepak prade wenten patedunan

magambel wiadin tedun ngawentenan paruman.

- 23.2.5. Kulkul Tempekan genahipun ring wawengkon tempekan suwang-suwang, katepak ritatkala jagi wenten patedunan tempekan.
- 23.2.6. Kulkul Truna-Truni/Daha Truna genahnya ring wawengkon Bale Banjar, katepak ritatkala jagi wenten patedunan Truna-truni/Daha Teruna.
- 23.2.7. Kulkul Hansip.
- 23.2.8. Kulkul Subak.
- 23.3. Kulkul inucap tan wenang katepak yening tan manut kadi daging awig-awig puniki.
- 23.4. Tabuh tatetakan kulkul Banjar Adat Banjar Badung pastika masewos-sewosan manut tatujonnya, luwire :
 - 23.4.1. Tengeran upacara yadnya ring pura wiadin ring Catur Bhuana tatepakane nung ting manut dresta.
 - 23.4.2. Tengeran bilih wenten sinalih tunggil warga banjare seda, suaran kulkul kadi ring sor :
 - 23.4.2.1. Masuara ping 5 maka cihna wenten rare durung akupak seda.
Suaran kulkul alon, dedauhannia semeng.
 - 23.4.2.2. Masuara ping 7 wiadin ping 9, maka cihna wenten warga sane seda, sampun akupak, dedauhannia semeng.
 - 23.4.3. Tengeran bilih wenten salah sinunggil warga banjar mapawarangan, kulkule masuara ping 10 alon dedauhannia nyoreang.
 - 23.4.4. Tengeran ngawit tutupan lan pangembak, kulkule masuare ping 6 dedauhannia semeng.
 - 23.4.5. Tengeran ngawitngalaksanayang pakaryan wiadin patedunan kadi sampun kaarahang, suaran kulkul 2 tulud.
 - 23.4.6. Tengeran ngurugang palaksanaan pakaryan wiadin patedunan suaran kulkule ping 3 alon.
 - 23.4.7. Tengeran Paruman Prajuru, suaran kulkul atulud dedauhannia manut ring pangarah.
 - 23.4.8. Tengeran wenten baya, kaplegandang, kamalingan kabegal, kabask, miwah baya patisewosan, kulkule bulus kalih tulud nungkak.
 - 23.4.9. Tengeran wenten amuk / baya pati, suaran kulkule 3 (tigang) tulud.

- 23.4.10. Tengeran wenten umah puwun, suaranna bulus atulud ngelantur dabdab.
- 23.4.11. Tengeran ngamedalang rare, kulkule masuara ping 4 (pat) alon, dedaughania semeng.
- 23.4.12. Tengeran suaran kulkul Hansip manut kaputusan Guru Wisesa.
- 23.4.13. Tengeran suaran kulkul panimbang Balita, Nyepi lan ngembak.

PAWOS 24

- 24.1. Kulkul Banjar tan wenang katepak yan sangkaning bebebaskan utawi pituduh Kelihan Banjar, sajawaning rikala pacang ngawentenang kadi mungguh ring angka 23.4.8., 23.4.9., 23.4.10. ring ajeng.
- 24.2. Sang nepak sangkaning tan pituduh, patut digelis matur supeksa ring Kelihan maka buatan panepaka kadi ring ajeng.
- 24.3. Kulkul Banjar Adat Banjar Badung Puniki patut nyaringin katepak prade wenten sinalih tunggil kulkul banjar sewosan nyihnayang wenten bayapati.
- 24.4. Suaran kulkul tengeran pakaryan, patut katedunin antuk ayahan manut ring daging dedaughan utawi siaran.

PAWOS 25

- 25.1. Sane wenang nepak kulkul, luwire :
- 25.1.1. Prajuru Banjar.
- 25.1.2. Warga sangkaning pituduh Prajuru Banjar.
- 25.1.3. Warga, kalugra nepak kulkul ritatkala wenten baya, nanging risampune nepak kulkul warga inucap patut matur piuning ring I Prajuru maka gaguat panepake inucap.
- 25.2. Yaning wenten sinalih tunggil warga tan nguningayang indik panepakan kulkul inucap wenang kadanda manut pararem.

PAWOS 26

- 26.1. Banjar Adat Banjar Badung mapaweh laluputan syah-ayah-an utawi pakenan-kenan ring sang inggiling linggih utawi sang kawelas asih.
- 26.2. Sor singgih laluputan miwah bacakan sang luput kaungguhan ring parareman.

- 26.3. Sajabening Prajuru Banjar, sane pastika patut polih laluputan, panekasnia :
- 26.3.1. Para Sedaka.
 - 26.3.2. Para Pemangku lan Juru Putih.
 - 26.3.3. Sang sakit tahunan.
 - 26.3.4. Wong cedangga banget.
 - 26.3.5. Wong sane ubuh.
 - 26.3.6. Sekeha Gong.
 - 26.3.7. Mush sane siosan manut pararem Banjar.
- 26.4. Krana balu lanang polih laluputan ayah istri, wong balu istri polih laluputan ayahnya lanang, masenger awarsa. Sasampun awarsa, durung meresidayang nedunang syah, krana balu inucap kalugra ngoot.

PALET 5

INDIK DRUWEN BANJAR

PAWOS 27

Sane sinanggeh druwen Banjar Adat Banjar Badung luwire:

- 27.1. Pura Catur Bhuwana
- 27.2. Tugu Tanggun Desa
- 27.3. Tugu ring Kayehan Nyuling
- 27.4. Lelanguan, saperangkat gong
- 27.5. Wangunan Bale Banjar lan prabotannya, saha tanah telajakannya.
- 27.6. Raja Pangangge lan uparengga ring Pura Catur Bhuwana.
- 27.7. Bale Kulkul lan prabotannya.

PAWOS 28

- 28.1. Padruwen Banjar Adat wenang kaetangang olih Prajuru.
- 28.2. Fikolih druwen Banjar Adat lan pamupunnia kasnggen prebia mecikang wawangunan lan prebia Piodalan.
- 28.3. Nyrabran Sangkepen Banjar Adat, pangemong druwen Banjar Adat ngawentenang babawosan pariindikan munjuk lung-suring padruwen Banjar Adat, antuk ilikita pastika.
- 28.4. Raja pangangge lan uparengga upacara karaksa antuk Pemangku utawi Prajuru sane kasukserahin manut parareman.
- 28.5. Tan kalugra ngadol druwen Banjar Adat sajawaning kagunayang manut patitis tur kasungkemin antuk I Krana.
- 28.6. Tanah tatakan ayah, miwah paw ongan ring karang inucap kaeteng antuk kulawarga sane patut.

INDIK KARANG

PAWOS 29

INDIK KARANG

PAWOS 29

- 29.1. Sahanan karang pupulan lan telajakannia patut:
29.1.1. Pastika wenten wates ipun.
29.1.2. Gegalengan ka uluan (kulon-wetan).
29.1.3. Mapemedal ka rurung utawi ka margine, tan wenten kabebeng.
- 29.2. Kelihan Banjar, patut ngutsahayang mangda sami karang ring ajeng ajeg kawentenannya.

PAWOS 30

- 30.1. Sahanan krama patut ngawatesin karangnya sowang-sowang jantos sida terpti nyatur desa.
- 30.2. Wates karang sane majapitan patut kategen olih kramane sane mahuluan ka wates inucap manut dresta.
- 30.3. Taru miwah ulih-ulihan sane maurip ring wates kadi ring ajeng kadruwe olih krama sane negen inucap.

PAWOS 31

- 31.1. Sinalih tunggil krama tan kalugra ngalah-ngalahan tanah pekarangan padruwen anak sewosan, punapi malih druwen Banjar Adat sane kasinanggeh suci. Yening wenten krama sane malaksana asapunika, wenang katiwakin pamidanda manut pararem.
- 31.2. Nanggap lan nimbang ayah, kadi ring sor puniki: 0 - 0
- 31.2.1. Sowang-sowang karang sane katanggap olih krama Banjar Adat patut kagenahin tur kaayahang. ↓
- 31.2.2. Yan wenten karang tan kagenahin tur tan wenten sane ngayahang, karang inucap patut druwen banjar.
- 31.2.3. Yan jantos tigang sasih karang inucap tan wenten ngenahin wenang karang punika katimbang olih Prajuru ring sang mabudi.
- 31.2.4. Yening wenten pacang wusan nanggap karang, krama inucap patut ngawaliang ring Prajuru tur I Prajuru patut nimbang karang punika ring sang mabudi sewosan. Prade sane mabudi langkungan ring adiri, Prajuru patut ngawentenang pangilikitaan manut kadi paruman. ↑